



**Sud Bosne i Hercegovine
Суд Босне и Херцеговине**

**Broj: S1 3 Iž 038148 20 Iž
Sarajevo; 27.10.2020.godine**

Sud Bosne i Hercegovine, u drugostepenom vijeću sastavljenom od sudija Srete Crnjak kao predsjednika vijeća, Dinke Bešlagić-Čovrk i Vesne Trifunović kao članova vijeća, odlučujući o žalbi Emina Mrkonje ,Korbinianstrasse 15, 80807 Munchen, Deutschland,izjavljenoj protiv Odluke Centralne izborne komisije Bosne i Hercegovine broj 05-1-07-1-998/20 od 01.10.2020. godine kojom je odbijen upis u izvod iz Centralnog biračkog spiska za glasanje izvan BiH podnosioca prijave, po podnesenim prijavama do 01.09.2020. godine, u nejavnoj sjednici, održanoj dana 27.10.2020. godine, donio je

R J E Š E N J E

Žalba se odbija.

O b r a z l o Ź e n j e

Odlukom Centralne izborne komisije Bosne i Hercegovine broj i datum navedeni u uvodu, odbijen upis u izvod iz Centralnog biračkog spiska za glasanje izvan BiH podnosioca prijave, po podnesenim prijavama do 01.09.2020. godine, jer nisu ispunjeni uslovi iz člana 3.15. stav (1), (2) i (3) Izbornog zakona Bosne i Hercegovine .

Protiv ove odluke žalbu je uložio Emin Mrkonja navodeći da je dostavio prijavu za glasanje izvan BiH, u kojoj je naveo svoju adresu u Njemačkoj.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena odbije kao neosnovana jer žalitelj nije ni nakon provedenog ispitnog postupka, prijava za glasanje izvan BiH je samo potpisana, a obrazac PRP-2 nije popunjen, a nedostatak nije otklonio u ostavljenom roku o kome je obavješten putem internet stranice.

Ispitujući pobijanu odluku u okviru žalbenih navoda vijeće Apelacionog odjeljenja Suda Bosne i Hercegovine je zaključilo da žalba nije osnovana.

Odredbom člana 3.15 Izbornog zakona propisano je da državljanin BiH koji živi u inostranstvu, a koji ima biračko pravo u skladu sa ovim zakonom i upisan je u Centralni birački spisak, da bi se nalazio u izvodu iz Centralnog biračkog spiska za glasanje van BiH, dužan je podnijeti prijavu Centralnoj izbornoj komisiji BiH prije roka koji utvrdi CIK BiH u periodu prije raspisivanja izbora. Prijavu koju potpisuje dužan je

popuniti, tako što se popunjavaju lični podaci podnosioca žalbe, podaci o statusu u kom boravi van BiH, podatke o tačnoj adresi van BiH na kojoj će mu se dostaviti glasački materijal i kontakt podaci u smislu odredbe člana 3.15 stav (1) Izbornog zakona BiH.

Centralna izborna komisija Bosne i Hercegovine u osporavanom rješenju pravilno je utvrdila činjenicu da žalitelj prijavu za glasanje izvan BiH za Lokalne izbore za 2020. godinu nije popunio u skladu sa citiranim zakonskom odredbom, te je prilikom odlučivanja pravilno primjenila zakonsku odredbu koja propisuje uslove za prihvatanje prijave za glasanje van BiH. Znači, u vrijeme donošenja osporavane odluke prijava Mrkonja Emina se nije mogla prihvatiti usljed nedostatka identifikacionog dokumenta, pa isti nije ispunjavao zakonom propisane uslove da bude prihvaćena, a rok za prijem prijave za upis birača u izvod u Centralni birački spisak za glasanje izvan BiH za Lokalne izbore 2020. godine bio je do 01.09.2020. godine u 24 sata kako je odredila Centralna izborna komisija BiH.

Međutim, žalitelju nije oduzeto biračko pravo da glasa za Lokalne izbore 2020. godine na redovnom biračkom mjestu u opštini u kojoj ima prijavljeno prebivalište u Bosni i Hercegovini.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

**PREDSJEDNIK VIJEĆA
SUDIJA
Sreto Crnjak**